

左恪靖侯奏稿初編

恪靖奏稿初編卷三十二目錄

擬購機器僱洋匠試造輪船先陳大槩摺

閩商應帶完課銀請歸票運收算摺

請將前保各員仍准開復原官片

閩餉支絀仍請接撥關稅銀兩接濟摺

擬購機器僱洋匠試造輪船先陳大概摺

奏爲謹擬購買機器募雇洋匠設局試造輪船先陳大概情形仰祈

聖鑒事竊維東南大利在水而不在陸自廣東福建而浙江江南山東直隸

盛京以迄東北大海環其三面江河以外萬水朝宗無事之日以之籌轉漕則千里猶在戶庭以之籌懋遷則百貨萃諸塵肆匪獨魚鹽蒲蛤足以業貧民舵舳水手足以及安游眾也有事之時以之籌調發則百粵之旅可

集三韓以之籌轉輸則七省之儲可通一水匪特巡洋  
緝盜有必設之防用兵出奇有必爭之道也況我

國家建都於燕津沽實爲要鎮自海上用兵以來泰西  
各國火輪兵船直達天津藩籬竟成虛設星馳飈舉無  
足當之自洋船准載北貨行銷各口北地貨價騰貴江  
浙大商以海船爲業者往北置貨價本愈增比及回南  
費重行遲不能減價以敵洋商日久銷耗愈甚不惟虧  
折貨本寢至歇其舊業濱海之區四民中商居什之六  
七坐此閭閻蕭條稅釐減色富商變爲窶人游手驅爲

人役並恐海船擱朽目前江浙海運卽有無船之慮而  
漕政益難措手是非設局急造輪船不爲功從前中外  
臣工屢議雇買代造而未敢輕議設局製造者一則船  
廠擇地之難也一則輪船機器購覓之難也一則外國  
師匠要約之難也一則籌集巨款之難也一則中國之  
人不習管駕船成仍須僱用洋人之難也一則輪船既  
成煤炭薪工需費不貲月需支給又時須修造之難也  
一則非常之舉謗議易興創議者一人任事者一人旁  
觀者一人事敗垂成公私均害之難也有此數難毋怪

執咎無人不取一紆籌策以徇公家之急臣愚以爲欲  
防海之害而收其利非整理水師不可欲整理水師非  
設局監造輪船不可泰西巧而中國不必安於拙也泰  
西有而中國不能倣以無也雖善作者不必其善成而  
善因者究易於善創如慮船廠擇地之難則福建海口  
羅星塔一帶開槽濬渠水清土實爲粵浙江蘇所無臣  
在浙時卽聞洋人之論如此昨回福州參以衆論亦復  
相同是船廠固有其地也如慮機器購覓之難則先購  
機器一具鉅細畢備覓僱西洋師匠與之俱來以機器

製造機器積微成鉅化一爲百機器旣備成一船輪機  
卽成一船成一船卽練一船之兵比及五年成船稍多  
可以布置沿海各省遙衛津沽由此更添機器觸類旁  
通凡製造鎗炮炸彈鑄錢治水有適生民日用者均可  
次第爲之惟事屬創始中國無能赴各國購覓之人且  
機器良楮亦難驟辨仍須託洋人購覓寬給其值但求  
其良則亦非不可必得也如慮外國師匠要約之難則  
先立條約定其薪水到廠後由局挑選內地各項之少  
壯明白者隨同學習其性慧夙有巧思者無論官紳庶

士一體入局講習拙者惰者隨時更補西洋師匠盡心  
教藝者總辦洋員薪水全給如靳不傳授者罰扣薪水  
似亦易有把握如慮籌集巨款之難就閩論海關結款  
既完則此款應可劃項支應不足則提取釐稅益之又  
臣曾函商浙江撫臣馬新貽新授廣東撫臣蔣益澧均  
以此爲必不容緩願湊集巨款以觀其成計造船廠購  
機器募師匠須費三十餘萬兩開工集料支給中外匠  
作薪水每月約需五六萬兩以一年計之需費六十餘  
萬兩創始兩年成船少而費極多迨三四年則工以



熟而速成船多而費亦漸減通計五年所費不過三百餘萬兩五年之中

國家捐此數百萬之入合雖見多分亦見少似尙未爲難也如慮船成以後中國無人堪作船主看盤管車諸事均須僱請洋人則定議之初卽先與訂明教習造船卽兼教習駕駛船成卽令隨同出洋周歷各海口無論兵弁各色人等有講習精通能爲船主者卽給予武職千把都守由虛銜洊補實職俾領水師則材技之士爭起赴之將來講習益精水師人材固不可勝用矣且臣

訪聞浙江甯波一帶現亦有粗知管駕輪船之人如選  
調入局船成卽令其管駕似得力更速也如慮煤炭薪  
工按月支給所費不貲及修造爲難之費則以新造輪  
船運漕而以雇沙船之價給之漕務畢則聽受商僱薄  
取其值以爲修造之費海疆有警專聽調遣隨賊所在  
絡繹奔赴分攻合剿剋期可至大凡水師宜常令住船  
捺練俾其服習風濤長其精力深其閱歷然後可恃爲  
常勝之軍近觀海口各國所駐兵船每月操演數次儼  
臨大敵遇有盜艇卽踊躍搜擊以試其能所以防其惡

勞好逸者如此且船械機器廢擱不用則朽鈍堪虞時  
加淬厲則晶瑩益出故船成之後不妨裝載商貨藉以  
捕盜而護商兼可習勞而集費似歲修經費無俟別籌  
也至非常之舉謗議易興始則憂其無成繼則議其多  
費或更譏其失體皆意中必有之事然臣愚有竊說焉  
防海必用海船海船不敵輪船之靈捷西洋各國與俄  
羅斯味利堅數十年來講求輪船之制互相師法製作  
日精東洋日本始購輪船折視仿造未成近乃遣人赴  
英吉利學其文字究其象數爲仿製輪船張本不數年

後東洋輪船亦必有成獨中國因頻年軍務繁興未暇  
議及雖前此有代造之舉現復奉

諭購洋輪船然皆未爲了局彼此同以大海爲利彼有  
所挾我獨無之譬猶渡河人操舟而我結筏譬猶使馬  
人跨駿而我騎驢可乎均是人也聰明睿知相近者性  
而所習不能無殊中國之睿知運於虛外國之聰明寄  
於實中國以義理爲本藝事爲末外國以藝事爲重義  
理爲輕彼此各是其是兩不相喻姑置弗論可耳謂執  
藝事者舍其精講義理者必遺其粗不可也謂我之長

不如外國藉外國導其先可也謂我之長不如外國讓  
外國擅其能不可也此事理之較著者也如擬創造輪  
船卽預慮難成而自沮然則治河者慮合龍之無期卽  
罷畚築治軍者慮歲役之無日卽罷徵調乎如慮糜費  
之多則自前道光十九年以來所糜之費已難數計昔  
因無輪船致所費不可得而節矣今仿輪船正所以預  
節異時之費而尙容靳乎天下事始有所損者終必有  
所益輪船成則漕政興軍政舉商民之困紓海關之稅  
旺一時之費數世之利也縱令所制不及各國之工究

之慰情勝無倉卒較有所恃且由鈍而巧由粗而精尙  
可期諸異日孰如羨魚而無網也計閩浙粵東三省通  
力合作五年之久費數百萬尙非力所難能疆臣誼在  
體

國奉公何敢惜小費而忘至計至以中國仿製輪船或  
疑失體則尤不然無論禮失而求諸野自古已然卽以  
鎗炮言之中國古無範金爲砲施放藥彈之製所謂砲  
者以車發石而已至明中葉始有佛郎機之名

國初始有紅衣大將軍之名當時得其國之器卽被以

其國之名謂佛郎機者卽法蘭西音之轉謂紅衣者卽紅夷音之轉蓋指紅毛也近時洋鎗開花砲等器之製中國仿洋式製造亦皆能之砲可仿製船獨不可仿製乎安在其爲失體也臣自道光十九年海上事起凡唐宋以來史傳別錄說部及

國朝志乘載記官私各書有關海國故事者每涉獵及之粗悉梗槩大約大輪兵船之製不過近數十年事於前無徵也前在杭州時曾覓匠仿造小輪船形模粗具試之西湖駛行不速以示洋將德克碑稅務司曰意格

據云大致不差惟輪機須從西洋購覓乃臻捷便因出  
法國製船圖冊相示並請代爲監造以西法傳之中土  
適髮逆陷漳州臣入閩督勦未暇及也嗣德克碑歸國  
繪具圖式船廠圖冊並將購覓輪機招延洋匠各事宜  
逐款開載寄由日意格轉送漳州行營德克碑旋來漳  
州接見臣時方赴粵東督勦未暇定議德克碑辭赴暹  
羅屬日意格候信彼此往返講論漸得要領日意格聞  
臣由粵凱旋擬來閩面訂一切臣原擬俟其來閩商妥  
後再具摺詳陳請



首因日意格尙未前來適奉購雇輪船

寄諭應先將擬造輪船緣由據實馳陳伏乞

皇太后

皇上聖鑒訓示至設局開廠購料興工一切事宜極爲  
繁重俟奉到

諭旨先行後再當條舉件繫恭呈

御覽合併聲明謹

奏同治五年五月十三日

閩商應帶完課銀請歸票運收算摺

奏爲閩鹽改行票運以有起色各商應帶完正溢課銀  
請准歸票運案內統收統算分別劃完免計分數奏祈  
聖鑒事竊照閩省鹽商應完同治三年正課二年溢課  
共銀二十萬六千一百餘兩先因體察商情情形凋敝  
未能依限清完當經臣等奏蒙

聖恩准將此兩年正溢奏銷停辦一年自同治四年十  
一月造報元年溢課起分作四年按年起限核數帶完  
分清欸目附案奏銷維時尙未議請改行票運係就從

前情形核辦嗣通籌全局非留商改票不能重整離網  
迨改票後幸各商盡力辦運課釐並抽整頓日有起色  
惟商幫向係先完課銀後發引照所有三年正課二年  
溢課查該前道潘駿章任內未據各商完繳課銀亦未  
由道核給引照是該商等並未運鹽銷售乃屬各商應  
先籌墊繳完之款查該商未完二年正課元年溢課以  
及帶輸帑息等款頻年積欠尙未能依限清完惟現時  
行票之販即多屬從前欠課之商茲當力行票運之際  
既責令照章買票課釐並完復催令帶完舊銀以清積

欠商力已屬竭蹶萬分今若再欲責以按限帶完應墊  
二三等年正溢賠課實屬力有不能今計自去年五月  
改票起新舊課牽算已徵銀四十餘萬兩較諸從前幾  
加兩倍此皆各商販勉力營銷儘銷儘解明證所有三  
年正課二年溢課應徵帶完銀兩惟有查照票運章程  
歸於票課案內統收統算方足以卹商艱而資周轉茲  
自上年五月二十二日改辦票運起截至現在將屆試  
辦一年期滿除飭道另行截數造冊

奏銷外其內有帶完各年正溢課及官商舊欠課銀均

請於截數時分別造報其二三年商幫正溢額課原請  
分年起限帶完茲亦請免其按照原限年分銀數扣計  
所有帶完之銀應如何按年分別劃收容俟奏銷造報  
逐款聲明聽候部臣核示辦理惟銀已統收統算即從  
前經督徵及接辦分數亦均無從核計應請免予查奏  
似此量予變通俾得盡心籌畫儘力徵完總期有裨

國課有便商民力除從前積弊庶於新章舊欠均有起  
色據福建鹽法道吳大廷會同署福建布政司周開錫  
核議具詳前來臣等查該司道等所議係爲顧全商課

新舊統籌起見尙屬實在情形除咨戶部外理合據實奏懇

聖恩俯賜勅部照議核覆施行再前奏請將四十限帶輸一欸除應完歸補司道庫墊銀欸二十六萬二千餘兩外其餘銀八十七萬一千餘兩請援案減免一摺亦經部臣議令釐查實在倒革無着若干或現商應完若干飭卽查造清冊分別應免應追核實辦理業已飭令鹽法道核實釐查咨俟查明另案具奏合併陳明臣等謹合詞恭摺具

奏伏乞

皇太后

皇上聖鑒訓示謹

奏  
同治五年五月十八日

請將前保各員仍准開復原官片

再臣前於保獎克復杭州餘杭各城出力案內將已革  
前代理海甯州事海甯州州判宋昭綸代理平湖縣事  
候補同知汪元祥升用同知餘姚縣知縣陶雲升署餘  
杭縣事候補知縣蔣鳳祥署鄞縣事壽昌縣知縣臧均

之署會稽縣事宣平縣知縣邊厚慶署嘉興縣事候補同知彭祖壽署慈谿縣事補用同知松陽縣知縣牟溫典代理山陰縣事雲和縣莊鳳威等量摺

奏保請將該員等開復原官仍留浙江補用欽奉

諭旨允准在案旋准部咨以該員等均係失守城池之員查係尋常勞績核與章程均不相符所請開復原官仍留浙江補用均請

旨撤銷宋昭綸得有何項勞績令查明再行核辦當經轉行遵照亦在案臣伏查杭城自咸豐十一年十一月



閒再陷浙江全省傾覆州縣存者皆獲咎之員臣時以  
孤軍入浙無員差遣訪悉汪元祥陶雲升臧均之邊厚  
慶彭祖壽牟溫典莊鳳威蔣鳳祥實屬兼能出眾官聲  
素好故留其隨營差遣或委採購軍糈或派籌捐濟餉  
或隨同堵剿俱黽勉相從勤劬備至其時兵單餉竭局  
勢甚危不獨來營投効者絕少其人卽選補實缺人員  
亦皆延不赴浙獨該員等於艱難之際盡瘁馳驅俾微  
臣得稍收指臂之助勞績似非尋常可比卽以見在浙  
省官評言之此數員者亦不居第二流也至前代理海

甯州事海甯州判宋昭綸一員於省城陷後八日猶力  
守孤城天死弗去迨十二月初五城陷該員左肩及腰  
肋均被鎗矛重傷比卽暈絕賊以爲已死昇置城外民  
懷其恩輿歸將養始獲更生臣撫其創痕猶爲流涕但  
惜其已老耳若以勞積而論固不能與汪元祥等比然  
臣當此時未忍以訪常失守之員目之邦臣謂與保獎  
新章不符臣何敢更持異議惟該員等或勞績實異尋  
常或失守情節有異而皆爲難得之好官若予以開復  
原官留浙補用必能有裨地方合無仰懇

天恩俯念人才難得准仍照原請

勅部毋庸查照尋常勞績核減之處出自

皇上逾格鴻慈

臣謹附片陳

奏伏乞

聖鑒訓示再尙有奉部指駁之原保暫革湖南補用道  
王加敏已革知縣高樑材容俟查明另行分別覆

奏合併陳明謹

奏

同治五年五月十八日

閩餉支絀仍請接撥關稅銀兩接濟捐

奏爲粵東軍務雖竣閩省餉需甚絀仍請接撥關稅銀兩以資接濟恭摺會

奏仰祈

聖鑒事竊查同治三年九月粵逆竄入閩疆籌辦防剿當經

奏請將閩海關稅月協浙餉銀五萬兩改留閩省應用奉

旨欽遵辦理嗣請於協餉每月五萬兩外將閩海關稅

福厦二口截至同治四年十一月結期止除原撥京餉暨酌留京餉並應還扣欸及撥補正額等項支銷外其餘銀兩儘數撥充閩餉以利征剿戶部雖議覆咨行然以酌留京餉仍儘提關稅之銀此外別無贏餘足資撥濟故月協五萬兩之外雖曾仰邀

恩旨准再儘支而部臣綜覆無遺儘提京餉之外實則無可動撥此因軍餉缺乏不得已而借貸洋商暫供支發現值東南巨逆盪平正擬酌遣各軍以求節省惟閩省各屬土匪充斥仍須分軍次第勘辦並遵疊奉

寄諭將本擬續撤數營暫行緩撤支應仍慮不敷兼之  
撤勇必清所欠月餉積徵成鉅一時籌措亦屬維艱是  
撤勇既須籌撤勇之費而留軍尤應籌留軍之餉况制  
兵缺餉已久欲圖從新整頓以收養兵之效必須漸復  
額餉以練兵之資計每月非的餉十餘萬兩不敷支放  
加以前借洋商銀應還本息三十餘萬兩必應分別清  
釐閩省庫存久虛近日藩鹽兩庫雖得人而理較有起  
色而出項過多一時實難周轉所指望者征收稅釐稍  
供挹注乃上游稅釐較旺之區適值崇安齋匪滋事商

賈不通釐局幾同虛設查崇安爲茶商總匯茶市爲釐  
務大宗頭春尤茶務要候閩省釐源此項實居一半將  
來能否照常徵納未可預知而前此奏准浙江協閩之  
餉每月十四萬兩一欵浙江解至上年十月實已力盡  
筋疲臣等感其力顧鄰疆未敢再爲竭蹶盡忠之舉已  
咨請自上年十月底截止停解並附

奏聲明此外別無可籌諒邀

洞鑒臣等公同商酌惟有仰懇

聖慈准將前項關稅改撥閩餉五萬自本年三月以後

仍按月照數接濟以資支發出自

天恩儻事順利閩餉畧堪敷衍自當隨時據實陳明聽  
候部臣提撥所有閩餉支絀仍請接撥關稅銀兩緣由  
謹合詞恭摺具陳伏乞

皇太后

皇上聖鑒訓示施行謹

奏同治五年三月初十日

軍機大臣奉

旨戶部速議具奏欽此



恪靖奏稿初編卷三十三目錄

錫爵恪靖伯謝

恩摺

浙省建祠合祀陣亡將士請入祀典致祭摺

閩鹽票運成效截數造報擬請著爲定章摺

閩省無出師馬匹請免造扣乾銀摺

請給出力洋將功牌翎頂金牌片

陳明捕治興泉汀漳各處土匪情形摺

按治土匪出力人員陳請可否保獎片

懇免現商帶輪俾顧課釐摺

關商力顧票運課釐懇免兼徵帑息捐

錫爵恪靖伯謝恩摺

奏爲恭謝

天恩仰祈

聖鑒事竊臣准吏部咨開內閣抄出同治四年四月十

四日具奏

賞曾國荃等五員侯伯美名奉

御印印出左宗棠恪靖欽此補行知照前來跪聆之下

感悚莫名伏念臣渥荷

殊恩榮膺

錫爵煥重承平

異命夫容擢殿之辭封愧總制平師干卽指延津而淬  
劍仗

皇威之遠播訖粵嶠而班師方欣唱凱於梅州珠江洗  
甲乃奏傳宣於

芝陞

寶璽鈴珠稽班列而序次五侯沐

恩褒而榮踰一字恪之義同乎懋敢忘獻謹於宸衷靖  
之訓主乎謀願竭謀猷於

辰告臣惟有慎勤益矢寵利不居以期仰答

高厚鴻慈於萬一所有微臣感悚下忱理合繕摺恭謝

天恩伏乞

皇太后

皇上聖鑒

奏

浙省建祠合祀陣亡將士請入祀典致祭摺

奏爲浙江省城建立楚湘忠義祠合祀陣亡員弁士卒  
請

旨列入浙江祀典春秋致祭以妥忠魂恭摺奏祈

聖鑒事竊浙省兩遭髮逆竄擾列郡淪胥

臣時奉

命督辦軍務率所部楚軍入浙並奏調陞任廣東巡撫  
臣前浙江布政使蔣益澧統所部湘軍入浙分道攻剿  
先後克復兩浙府縣城池並遣分軍援皖南江西截剿  
各大股逆賊仰仗

天威以次就緒數載之間大小百戰員弁士卒臨陳捐軀及積勞殞命者前後二千五百二十餘名茲據浙江善後局司道詳稱各屬殉難士民業經設局採訪各就郡邑建祠致祭其各戰陣亡將士爲

國捐軀豈可轉關祀典因議於杭城三元坊地方價買民房改建楚湘忠義祠詳具銜姓名氏或各設一主或彙列一主員弁以品秩高卑爲位次士卒以死事月日爲位次列於浙江祀典春秋遣官致祭請

奏明立案俾垂久遠臣謹按秉彝之性人所同也忠義

本於有生而俱來然非

祖宗德澤涵濡之久

朝廷褒揚矜恤感人之深則當事艱時艱投之於生死  
呼吸之地鮮有不渝其素者此非徒恃節制精渣之可  
取必於一時也詳察死事諸人時日戰地其爲微臣親

歷之處所有搏鬪之苦創痍之狀呻吟之聲固猶歷歷  
如在目前其爲蔣益漄劉典楊昌溶等分兵轉戰之處  
則於函牘中得知其大概雖已亡各員弁士卒同一死  
綏無所軒輊而其間忠義勃發本血性而爲至勇如古



所稱豪傑之士者實頗不乏其人平時或樸鈍如村農  
或目不識書史或在弱如常人至其慷慨赴戰矢死靡  
他浩氣英風蓋非尋常意度所能及以此益見人性之  
無不善而

聖澤之不能忘也臣每惜當時奏牘不能遍詳至今猶

懷耿耿禮曰有功烈於民則祀之以死勤事則祀之準  
斯二義則陳亡員弁士卒合祀於浙於禮爲宜除將沾  
冊咨部外相應請

旨飭部將楚湘忠義祠列入祀典春秋由浙省遣官致

祭垂爲令典以妥心神謹會同浙江撫臣馬新貽恭摺具

奏伏乞

皇太后

皇上聖鑒訓示施行謹

奏  
同治五年七月二十日

閩鹽票運成效截數造報擬請著爲定章摺

奏爲閩鹽試行票運著有成效謹將一年期內收支各  
款截數造報擬請著爲定章恭摺奏祈

聖鑒事竊臣等於同治四年六月十五日會

奏閩省鹽務全綱倒壞殆盡亟宜設法變通改行票運  
課釐並抽請先試辦一年限內儘徵儘解免計分數考  
成一摺奉

旨戶部議奏欽此是年十月十三日准到部咨議以閩  
鹽改行票運全議更張恐虧課病民應再妥籌期於毫

無窒礙等因覆奏奉

旨依議欽此嗣臣左宗棠於十一月十六日恭摺覆奏

憑陳閩鹽試行票運獲有成效情形請再

敕部議覆欽奉

上諭前因左宗棠奏閩省鹺綱疲壞請試行票運一年當交戶部議奏嗣經該部以閩鹽改行票運全議更張恐虧課病民咨令該督妥籌期於毫無窒礙茲據奏稱自本年閏五月起試行票運甫及半年所收實解之款已抵前此一年及一年半之數向之疲滯口岸自試行

新章以來漸有商販認辦各衙門一切陋規所裁不下七八萬有奇羣情翕然且釐隨課出皆取之買票商販並未沿海散抽數月以來亦無私梟拒捕之案從前縣粵官幫坐收課費以充私橐今則挈向時官吏私攫之款涓滴歸公至開鹽積欠數百萬現雖專顧課釐而舊欠仍未嘗不按期催繳請仍飭部將試行票運行止速行議覆等語覽其所奏於開省鹽綱之積弊及現辦票運之可行實爲洞悉原委總之鹽務爲國課大宗亦爲奸胥利藪惟在得人而理斯能力挽頽綱票運之行雖

不能保其必無流弊倘承辦之員均能潔已奉公不爲私計自足以除從前積重難返之弊而與爲更始該督既稱商情既便市價無增無加額之名而有裕課之實卽著照所請先行試辦一年俟有成效卽行奏明著爲定章以肅賦政而裕課餉該部知道欽此欽遵在案本年五月十八日復經<sub>臣</sub>等會

奏備陳同治三年正課二年溢課原請分作四年按限帶完抵因商幫向係先完課銀後發引照前項帶徵正溢各欸前經道潘駿章案內並未開徵亦未給引察看

商情又難先行墊完請將三年正課二年溢課免其分  
年帶徵彙同各年舊欠課款歸於票運案內統收統算  
應行如何按年分別劃收俟奏銷造報時聽候部臣核  
示辦理其票運案內徵收銀兩業已統收統算卽從前  
經督徵及接徵分數亦無從核計並請免予查叅各在  
案臣等伏查閩省鹽課自

國初定制歲僅徵銀八萬五千餘兩雍正元年各場委  
官監管地方督隨處設卡委員收稅先完課而後給單  
聽其配運舊章至乾隆七年

奏定盈餘銀一十四萬一千餘兩較前幾增兩倍然視兩淮課額不及數十分之一卽較之浙江粵東各省亦遠不如推原其故蓋有數端閩省除汀州府屬向食粵鹽外臺灣一府遠隔重洋無從兼顧西路各幫則嶺嶠紆回溪河險阻轉運極艱其限於地利者一也地處海濱僻而瘠富商大賈不屑措意業鹹者祇僅本地商人資本既微營運又絀其限於人力者一也迨其後僉商定地以當年稅銀作爲引照此法變通商之浮費遂增鹽之行銷亦溢積漸因循至同治元年報收銀廿一萬



兩有奇實抵支解京餉及撥解司庫共銀八萬兩有奇  
二年報收銀一十六萬兩有奇實抵支解京餉及撥解  
司庫共銀六萬兩有奇至於三年正課二年溢課迭請  
展緩蓋已岌岌乎有全綱倒歇之勢矣臣等推求弊源  
力圖挽救於該鹽道吳大廷到任後卽飭痛裁陋規截  
清陳引舉百數十年之宿垢概予掃除自同治四年五  
月二十二日留商改票設局試行是時下游官幫各廳  
縣軍務未靖先從西路南路各幫辦起官軍商販幸均  
遵照新章力求整頓課釐並完行之數月漸有起色迨

全閩肅清七八月之間先後選派委員馳赴石碼泉州  
一帶招徠販戶改行票運除莆田一縣尙無販戶認辦  
仍歸該縣官辦臺灣一府酌量抽釐東路一幫仍復按  
担抽課永德田南幫係屬官代商運仍飭道遴委委員  
開幫舉辦外其福興泉漳各官幫均已設法招販試行  
票運所有未經招販以前仍分別正溢課什等款另行  
附冊咨部以示區別而昭核實以上各官幫或招販之  
遲速不同故造報之日期不一現已試辦期滿自應截  
清一律統作本年五月二十一日爲止以歸畫一庶下

屆期滿造報各冊易於稽核茲查自上年五月二十六日改行票運起至本年五月二十一日止試辦一年期滿共收新鹽課耗釐銀四十萬五千三百七十一兩五錢四分九釐一毫四絲舊釐金銀三萬八千三百七十二兩五錢六分九釐勸捐牙帖子店缸捐共銀三萬七千六百二十七兩二分八釐帶徵未改票以前正課溢課什帑息帶輸運本等項共銀一十二萬二千六十七兩九錢六分三釐一毫九絲統計共徵銀六十萬三千四百九十三兩一錢九分三毫三絲除開支解本省同

治乙丑等年兵餉武職養廉解送內閣庶吉士四年分  
費用銀兩支給俸廉役食祭祀等項支銷製造臺械工  
料價銀並牙帖子店缸捐監釐運本等項撥充軍餉撥  
解軍標馬價盤費釐峯造金山州戰船孤貧口糧鄉閭  
貢院問侯兩縣贍貧出旗貧民口糧掩埋棺槨義倉經  
費丁憂場員盤費等欸同撥還各欸原墊銀兩統共除  
銀四十四萬一千四百四十三兩三錢三分四釐二毫  
實在應存課耗釐並正溢課坵折等銀一十六萬一千  
九百九十五兩七錢七分五釐二毫三絲據福州鹽法

道吳大廷分別造冊詳請

奏咨前來除將各冊咨送部科查核外臣等謹合詞恭摺具

奏伏乞

皇太后

皇上聖鑒訓示並將支收各款數目開到清單恭呈

御覽仍請

勅部核覆施行以便著爲定章俾垂永久再查各官幫所繳課款雖未能按額全完然較前此僅完二三分子者

已覺過之且招販認辦均在四年八月以後加以地濱  
場壤私梟充斥舉辦伊始銷數遽難暢旺自此認真緝  
私當能逐漸起色至於西路商販及其餘各幫一年期  
內盡心籌辦取從前銷冊兩相比較贏絀迥殊如果著  
爲定章得人而理庶幾弊盡利生民商均便有裨

國計良非淺鮮設非遇陰雨過多場壤缺產地方有事  
銷埠滯銷課額當不至過於減少也嗣後西路及官運  
商幫本代額票買足之外如有額外加買運幫行銷者  
固聽其便或銷數短絀事出有因以致本代票額不能

買是者亦似應准予儘微儘解不限以額俾紓商力而  
保利源至實存課釐銀除應例支銷外應如何分年劃  
撥之處仍候部臣核示辦理至遞年鹽課奏銷原應造  
冊

題報茲因試辦票運初屆造報是以先行具

奏俟離章定後仍按年循例具

題並陳明謹

奏  
同治五年八月初七日

謹將試行票運一年期內徵收課耗釐金並帶徵積欠

課款及勸捐牙帖子店缸捐各銀兩分別徵收支解目  
數備開四柱清單恭呈

御覽

計開

舊管

無項

新收

一收票運課銀二十四萬七千八百五十四兩五錢五

分八釐



一收耗銀二萬四千七百八十五兩四錢六分二釐  
一收釐銀一十二萬三千九百二十七兩二錢八分四釐

一收商幫舊鹽釐銀三萬八千三百七十二兩五錢六分九釐

一收汀州府鹽釐銀四千七百六十二兩五錢七分九釐一毫四絲

一收臺灣府鹽釐銀四千四十一兩六錢六分六釐  
一收勸捐鹽官行牙帖銀二萬二千二百兩

一收各鹽鋪戶捐請子店執照銀一萬八百五十兩  
一收省城舊園捐繳缸捐銀四千五百七十七兩二分  
八釐

一收官商兩幫完繳帶徵未改票以前各年分正溢課  
等銀九萬六千六十一兩八錢二分三釐三毫七絲  
一收官幫完繳各年分坵捐錢九千九百七十一兩九  
錢五釐八毫二絲

一收官商兩幫完繳未改票以前價水引費等款銀八  
百二兩七錢七分五釐

一收商幫完繳未改票以前報部帑息共銀二千九百四兩六錢四分一釐

一收商幫完繳五限帶輸銀五千四百一十三兩一錢六分九釐

一收各屬繳還運本銀四千九百兩七錢一分

一收商幫完繳未改票以前不報部帑息銀二千一十二兩九錢三分九釐

以上統共收銀六十萬三千四百三十九兩一錢九釐三毫三絲

開除

一解藩司庫乙丑年本省兵餉銀一十五萬兩

一解藩司庫同治四年武職養廉銀一萬五千一百七十九兩二錢九分

一給委員海防同知俞林解送內閣衙門同治四年分費銀二百兩

一給委員海防同知俞林解送戶部同治四年分庶吉士銀八十兩

一支給同治四年秋季起至五年夏季止俸廉役食等

祀等項支銷銀三萬五千二百七十二兩八分四釐三毫

一解藩庫同治四年分本省兵餉銀三萬兩

一解軍需局鹽釐充餉銀九萬一千六百四十二兩九錢七分二釐

一鹽釐項下動支軍標馬價盤費搭客併辦道金州三號戰船及孤貧口糧等項共銀一萬五千三百五十兩八錢八釐

一耗銀項下動支鄉閭貢院理事額外孤貧口糧閭侯

兩縣贍貧口糧出旗貧民冬月口糧收掩棺罐經費丁  
憂場員資助盤費義倉經費等項共銀三千四百七兩  
七錢一釐一毫

一解軍需局牙帖充餉銀二萬二千二百兩

一解軍需局子店執照充餉銀一萬八千五百兩

一解軍需局醬園缸捐充餉銀四千五百七十七兩二  
分八釐

一解藩司衙門咸豐七年分武職養廉動支各年分盈  
餘銀三千二十七兩一錢一分二釐七毫

一解藩司衙門同治元年分佐什養廉銀三千五百六十兩

一撥充道庫價水不敷支銷動支同治元年分盈餘引課銀二萬兩

一移福州八旗營請製逾限損壞子炮估需工料動支盈餘銀四百二十二兩一錢四釐

一解軍需局運本撥充軍餉銀四千九百兩七錢一分五釐  
一撥還價水引費等欸原墊銀八百二兩七錢七分五釐

一撥還欽工軍標馬價盤費等項普育等款原墊銀二千九百四兩六錢四分一釐

一五限帶輪撥還道庫墊銀五千四百一十三兩一錢六分九釐

一撥還貢院閱兵旂民掩埋關警侯警鳳池鄉關資助等款原墊銀二千一百二兩九錢三分九釐

以上統共除銀四十四萬一千四百四十三兩二錢三分四釐一毫

實在



一存票課銀一萬七千一百二十三兩一錢八分三釐  
七毫內截存應解同治四年分河工銀三千兩應行截  
存月行委員解送外

實存銀一萬四千一百二十三兩一錢八分三釐七毫  
一存耗銀二萬一千七百三十七兩七錢六分九毫

一存鹽釐銀六萬四千一百一十一兩三錢一分八釐  
一毫四絲

一存各年分正溢課等銀四萬九千五十二兩六錢六  
釐七絲

一存各年分坵折銀九千九百七十一兩九錢五釐八毫二絲

以上共存銀一十六萬一千九百九十五兩七錢七分五釐三毫三絲內截存應解同治四年分河工銀三千兩外尙存銀一十五萬八千九百九十五兩七錢七分五釐三毫三絲

謹將各商閩省應完帑息額欸目銀數開具清單恭呈御覽

謹  
開

一軍標年額息銀二千三百一十六兩六錢六分

閏月加息銀一百九十二兩五分五釐

截至同治四年五月底止官商各幫共欠息銀一萬七千一百一十五兩五錢九分六釐六毫

一馬價年額息銀二千四百兩

閏月加息銀二百兩

截至同治四年五月底止官商各幫共欠息銀一萬八

千三十九兩一錢一分三釐

一盤費年額息銀一千二百兩

閏月加息銀二百兩

截至同治四年五月底止官商各幫共欠息銀八千八百二十三兩三分六釐四毫

一欽工年額息銀五千四十兩

閏月加息銀四百二十兩

截至同治四年五月底止官商各幫共欠息銀六萬二百一兩三錢七分二釐

一普育年額息銀一千八百七十三兩一錢五分二釐

閏月加息銀一百五十六兩九分六釐

截至同治四年五月底止官商各幫共欠息銀一萬五千五百八十五兩七分六釐

一釐舉年額息銀一千二百六十兩

閏月加息銀一百五兩

截至同治四年五月底止官商各幫共欠息銀八千五百二十五兩一錢二分五釐

前六件歷年各商完納不前帶欠頗多均係道庫月挪別款墊解墊給改票以後各商專顧課釐更無餘力顧及裕息擬請概予停止理合登明

一養竈年額息銀一萬三千二百兩

閏月加息銀一千一百兩

一風災年額息銀一萬二千兩

閏月加息銀一千兩

前二件咸豐九年十二月間因商力敝竭

奏請停息五年之後完息作本計至同治三年即應起徵至今兩年有餘屢加嚴催並無完繳擬請展限五年之後再行完息作本以蘇商困理合聲明

閩省無出師馬匹請免造扣乾銀摺

奏爲閩省綠營出師官兵並無隨帶馬匹本營原告馬乾銀兩應請免予扣缺造報恭摺會

奏仰祈

聖鑒事竊案查前准戶部咨查出征官兵本營原估馬乾銀兩例應扣缺造報奏明咨令各省應將道光三十年起各營出征官兵離營回營各日期及應扣馬乾銀兩分晰造冊報部再前據廣州將軍將出師陣亡病故官兵領過馬乾銀兩可否免追咨請部示當以馬乾銀

兩原以喂養馬匹之需並非給與官兵家屬養贍之項  
各該營出師官兵原營馬乾照舊開支係屬錯悞是以  
著落不行扣缺之員名下追繳所有各省綠旗各營出  
征陣亡病故官兵原營馬乾銀兩亦應照此一律辦理  
通行一體遵辦均經轉行遵照在案茲據署福建布政  
使周開錫詳稱案奉移准省會總局司道移覆以閩省  
軍興以來派調綠營官兵前赴各處勦匪並無具報隨  
帶官馬出營沿途各屬州縣亦無報銷草料銀兩至前  
辦各案軍需帶兵員弁無論官階大小每員給騎馱馬



一匹折夫二名按站給價歷係查照辦理惟咸豐十年  
續准浙省抄移減半鹽折章程以後派出各官折給人  
夫工食係就同本員應支鹽菜造銷等語查綠營弁兵  
前赴各處勦匪既無具報隨帶官馬及在途支領草料  
情事是例馬皆係存留原營卽喂養不能缺乏閩省山  
隘崎嶇與北方平曠情形不同如遇征勦前進應當優  
加體恤似不能因其不便帶馬概令徒步前行如因給  
有夫價應將馬乾截扣則留營馬匹喂養無責轉致出  
兵卽多征勦之苦復有賄貼馬乾之累衡情酌理自覺

失平且自前道光三十年起頻年征調其間等名殉難者指不勝屈如將已領之銀坐扣現領之餉則現任代人賠累勢有所難卽欲扣之兵丁而兵丁額餉本微何能勻扣十餘年前攤賠貼款卽照廣州成案看落不行扣缺之員名下追賠則時移事異其間事故員弁亦復不少恐徒有追賠之名仍無繳完之實夫馬乾原係喂養馬匹而設如馬屬留營自應准予照舊支銷其從前已領銀兩應請免予追繳方足以示體恤而昭公允據該署臬司查明具詳前來臣等覆查無異理合恭摺會

奏伏乞

皇太后

皇上聖鑒勅部核覆施行謹

奏

同治五年七月二十六日

請給出力洋將功牌翎頂金牌片

再法國實德校前經幫帶洋鎗隊調赴杭州助戰嗣又  
隨同官軍克復湖州郡城恪遵紀律著有微勞今該洋  
將擬卽挈眷回國稟由浙江布政使楊昌濬請照會法  
國通商大臣衙門查照並給發翎頂功牌更賜金牌一

面俾回國增輝等情前來臣伏查克復杭州湖州等城  
案內權授中國總兵洋將德克碑等均經臣奏懇

聖恩俯准分別加銜並賞給翎頂功牌以示優異在案  
今實德稜同屬法國將弁在事亦屬出力因欲回國稟  
乞奏懇功牌翎頂金牌無非希沐

殊榮以增光寵現值髮逆蕩平東南底定之際可否仰  
懇

天恩俯俞所請給予二品功牌翎頂金牌以示懷柔之  
處出自

鴻施如蒙

聖慈俞允其功牌翎頂金牌似可卽援照德克碑等例  
由浙製給傳

旨頒賞

臣

謹附片具

奏伏乞

聖鑒訓示謹

奏

同治五年七月二十六日

陳明捕治興泉汀漳各處土匪情形摺

奏爲捕治興化泉州汀州漳州各處土匪恭摺彙

奏仰祈

聖鑒事竊自閩軍凱還後分屯各郡勘辦土匪業將辦理情形合詞彙報嗣以上游齋匪既除酌留浙江卽補知府張樹葵一營署建甯鎮左營游擊朱光斗一哨駐紮崇安延建邵道康國器兩營分駐延平一帶而以各軍注重下游分委浙江補用同知虞紹南總兵簡桂林署督標中軍副將楊在元叅將王有慶彭惟貴駐興化

一帶會同署興化府知府章倬標署興化協副將彭榮  
華莆田縣知縣黃道傳按治土匪陸續捕獲柳園匪首  
卓徵卽六九王莒溪匪首楊惻葬卽楊八李泗卽李  
十六羅劍七曾布卽曾廿七利溫匪首陳犯卽陳廿二  
陳流五卽烏狗鑿埔頭匪首楊元五何厝匪首何元卽  
何十八柯朱鄉匪首柯竹柯秤柯楊柯沙柯家柯洽及  
投首之柯榜等十四名又捕獲巨匪楊玉卽潘水唐老  
七唐全二朱泉林皆許十九潘清卽潘耳聾張添資張  
能林預老黃科三林發吳旺李如蘭李如玉吳盛黃茂

卽黃貞頭魏虎德魏插吁李詠李小慨陳但陳長一林  
居吳九十五楊得信吳紂五林蒼二吳樸卽吳廿九顏  
芬曾薯曾角林錦黃稅鄭湮鄭盤三龔捷卽龔士猴盧  
盛卽林新卽郭狗娘吳樓三李榜卽鐵脚榜戴芋頭朱  
水卽劉相三劉還伍朝焰林旭羅尙卽羅七九羅筆卽  
羅三十九羅膽卽羅七八陳幙顯羅蝶七羅俊羅育卽  
羅四五吳三卽吳三十一曾獅曾成曾梧楊余三陳遠  
曾蘭程又十三卽新伯十三吳喜吳錦曾科林山黃石  
連何烏四王壽林至楊四吳鑽李開李添黃容趙鑾陳



賢龔水郎龔文徒童尾翁坤翁茂劉烏陣劉漲李姜十  
林環童阿洞邱囚洪喜洪試五郭茂郭行五陳廣陳炳  
楊藩李根李珍魏占魏鍾郎范炳郎范三十陳祥林定  
陳尙蘇火黃潤黃寬四黃路駱梓二鄭玉曾滔王象四  
潘火黃文朱灰林七十郎林耳龔何毛郎歪嘴毛陳添  
祥楊板楊鍾六楊文王床蘇煥林煥郎林廿五方鹿林  
尾郎翁尾陳木潘立吳全陳尾丁老雞蔡佔等一百三  
十三名暨仙游巨匪黃接黃維黃代孝黃高黃法黃東  
隆黃兩友黃簡鄭勇郎鄭遠郭高柯齊何添祥石顯陳

璜楊章求等十五名仙游縣知縣余懋勲緝獲巨匪鄭  
高一名其莆田九里洋一帶負山濱海向爲烏白旗匪  
巢比經咨商水師提臣李成謀檄飭署金門鎮總兵郭  
定猷乘會辦泉屬土匪之便密約虞紹南簡桂林等出  
匪不意水陸兜擒兵合九里洋水師扼壁頭寨塔子灣  
海口虞紹南駐石亭簡桂林所部分駐江口汎灌後邦  
尾王荷慶駐東蔡彭惟貴駐碇頭四面環紮勒交首要  
各犯獲歐三秒歐妹治謝招郎卽薛招郎余圭尾李三  
妹黃玉柏黃曰林青盲老許進生關成陳度度李桃卽

江口桃蘇粗光徐和卽烏目和鄭土古鄭天湖黃泰陳  
富許五秒許五卽江口五李蘊王捷卽卽王缺尻莊哮  
烟李惡李慶十李老疇李田居李斌許屈方山里李下  
兵李蝦尾李秒卽紅頭秒黃珠卽臭頭珠陳烏卽烏六  
哥王水卽王七十關日生戴海洋卽戴窗蔡吾銅姚米  
粉卽姚三十四李開章卽陳章三鄒東尾吳老盛卽紅  
壳蠟黃四吓歐十陳添盛李鈺李金俊蔡大狗歐鳳尾  
游廣中陳欺頭等五十二名江口汎把總陳陞緝獲盜  
次糾搶械鬪曾斃五命之匪首胡述培一名楊在元移

營平海拿獲著匪黃花錦林成村林阿六等三名黃道  
傳捕獲黃銀一名此興化治匪情形也分委福建布政  
使王德榜駐紮泉州所屬之惠安督飭印委各員聯絡  
紳士設局行保甲法先後獲匪犯四十餘名其蕭厝等  
鄉暨橫峙口下湄洲各海灣兇悖尤著當咨提臣李成  
謀督同署金門鎮郭定猷統帶師船與王德榜水陸會  
剿王德榜令所部記名提督蕭得龍勘辦大路東吳柯  
寨等鄉自率親兵及前後兩營疾趨蕭厝該匪自刼掠  
鹽艘日夕畏捕藏艇以待兵至果遁對港橫峙口旋避

匿下湄洲王德榜至海濱獲其後者一艇起出大礮二尊於蕭厝村中搜獲匪首蕭千臣水師至王德榜率隊渡湄洲會同水師圍捕獲匪八十餘名起獲大礮六尊洋鎗五十餘桿銅冒洋火四萬顆餘匪駕小艇向龜山駛逃李成謀郭定猷師船追出外洋擊沉匪艇數隻擊斃匪首蕭缺嘴生擒蕭塗殺蕭雙楸連錦高琇曾嬉生等五名大路各鄉匪眾憑寨抗拒官軍攻破之生擒陳烏等四十六名王德榜復自湄洲回攻東吳柯寨破之獲白旂匪首吳泗吳任多吳藝吳响吳腳秋吳紐毛汶

魁吳大平孫吳五細孫等一百餘名其附近郭厝塆頭  
南莊山腰峯崎等五鄉各將著匪縛獻惠安文武及局  
紳葉春暉等諭令家長獲送者亦十餘人經王德榜派  
員會同署惠安縣知縣王佑慶訊明陳紅安卽陳紅紅  
陳烏陳興卽王爺興陳經琇蕭虎爺蕭秋蘭蕭阿蘭蕭  
歪吳紅郭長頭劉路陳瀾郭鹽鄭成莊員仔莊利陳洗  
卽陳洗心陳火何懷卽何熊莊皮阮連石何模卽何圭  
蕭妹哥連洪九何駐冊卽何洗等二十五名均係疊次  
槍劫擄禁傷害人命著匪陳紅安卽陳紅紅並曾在楓

亭地方戕害前仙遊縣知縣黃際虞者也此惠安治匪情形也泉州府屬晉江南安安溪則署陸路提督羅大春督府縣按治之南安新營樸山兩鄉兇悖最著羅大春督同府縣星夜馳往飭署陸提右營游擊李東昇等分道入樸山親率提標新練精兵及所部漳勇至新營先飭紳耆理諭該匪放鎗迎敵乃勒兵入鄉匪猶憑寨發鎗石戕傷兵勇羅大春麾眾攻破山寨格殺悍匪李智榮李記南等三十餘名擒獲三十餘名樸山匪亦節節抗鬪敗踞寨樓官軍圍攻兩時之久始破之格殺二

十餘名擒首犯李脣李竹李全吉吳匣等二十餘名當  
將兩寨毀平共起獲鎗礮二百餘件羅大春復飭署陸  
提中軍叅將宋桂芳按治安溪土匪先經該縣知縣羅  
運瑞會汛捕獲謝塢卽謝場李線卽李簾李弁卽李古  
盤陳腰並行劫四十年之九龍山積匪黃陋等五犯干  
總陳安高等獲李蝶卽李磔一犯陳安高等續獲蕭開  
宋桂芳格殺芹山拒捕奪犯之悍匪三人獲林光漢卽  
蕭光漢此泉州晉江南安溪治匪情形也汀州屢遭  
兵燹土匪勾結游匪伺劫爲害而甯化一縣尤甚總兵



張福齊帶所部勇丁按治之捕獲江湖會首王忠卽毛  
鞭會匪邱光賴王明李錦標鄒老冬賴揚芳管幅等福  
建卽補同知直隸州丁華光亦派哨弁捕獲哥老會匪  
陳德彪卽陳老五王世榮陳方梅趙宗位等其各鄉土  
匪以吳陂頭爲最悍張福齊令副將張廷圖青萍堡叅  
將蕭雅泗圍水東堡自率副將周玉堂都司祝鑑嵩圍  
吳陂頭均委員紳特示令縛獻首要呈繳鎗礮吳陂頭  
匪恃其地險多蓄各處亡命之徒爲助拒傷勇丁廿餘  
名陳亡數名張福齊合圍困之旋轟破土堡之角礮臺

一座斃匪十餘名麾軍直入生擒匪首綽號九千歲之  
吳二隆卽吳義隆及匪目吳良棟吳忠攸等張福齊傳  
令呼老幼婦女出釋之急以兵入縛其壯者焚其寨訊  
據吳二隆供咸豐四年投入九龍山號九千歲積賊回  
籍仍糾搶擄詐私造水窖拷斃多命結會抗糧劫兵勇  
馬匹衣物起意糾抗官軍並訊出吳忠聚吳元者吳忠  
火吳用其吳用海吳茂發卽用發吳尾幅吳忠乾卽吳  
萬春吳忠王吳良進卽吳金發等十犯均係結會拒捕  
悍匪張福齊復以附近淮土鄉糾眾圖抗移師勘治擒

獲匪犯十名其劉桃保一犯逃匿江西石城縣境購線  
往捕該犯持刀拒關當經勇丁格殺其水東一鄉交犯  
遲延張福齊馳入其堡獲要匪一名搜其礮械燬其寨  
垣青萍鄉縛獻羅爾聰羅愛仔二首犯並平燬土堡繳  
出鎗礮刀矛數十件嗣獲羅爾香等三犯及各鄉積年  
稔惡之著匪黃貴生黃富生黃良久黃上匡羅爾香廖  
宗乾等共搜獲大礮十二座抬鎗十八桿鳥鎗二百餘  
桿長短矛四百餘枝匪寨悉平先是黃義柏村廖姓著  
匪被控殺斃一家十命重案聞官軍治匪急乃糾江西

尖刀會匪插血約誓負固以待泊官軍攻破吳陂頭堡  
該匪逃棄寨遁張福齊訪問廖章進等潛回五里村派  
勇協線圍捕廖章進挺刃出拒當卽格殺獲廖章進等  
三犯署上杭縣知縣張潤培先後捕獲疊次搶劫奪犯  
傷差之葛麴客葛癩鬼邱九發溫穿耳朶羅恩長張演  
才等六犯此汀州治匪情形也漳州府屬惟漳浦一縣  
尙未辦過磔口海與四圍皆水尤爲匪盜淵藪屢與古  
竹土匪駛艇內港伺劫商漁署漳州鎮總兵楊和貴會  
商署汀漳龍道夏獻綸與泉永道曾憲德約水師會剿

四月初四日楊和貴率隊由中路進逼控口飭副將周金品毛惠德徐連勝左右分抄周金品馬隊先至匪艇駛遁其後開者爲馬隊追及不及起旋溺水而逃被風浪衝沒是時海霧迷漫師船未能進口會捕其倉率出口之匪艇聞水師礮聲驚懼失措遭風傾覆兩隻約溺斃一二百名楊和貴督隊搜剿匪黨尙持械抗拒各營進擊斃匪十餘名擒獲二十餘名陳斬陳催江孝謝東卽楊東等三名獲洋鎗烏鎗各五十餘桿銅冒洋火十萬餘顆洋火藥三百餘斤刀矛八十餘件楊和貴以下

曾等社焚村佔產之案漳浦文武會同勘辦拒捕傷勇  
雖經署遊擊蔣葆齡擒斬林倣一犯尚未受創六月初  
三日督同周金品毛惠德等前往剿捕道經大抗白石  
赤湖後江各社將曾經械鬪現願遵斷之陳楊兩姓陳  
吳兩姓各家長諭令約束族人勿復滋事已據出具甘  
結並平毀炮臺以息爭競楊和貴偵知下曾等社匪已  
遠颺而古竹土匪潛踞獅頭社初五夜四鼓令蔣葆齡  
前行自率各營繼發黎明抵獅頭石堡堅峻背山臨海  
前僅一門左右皆高山地險而固諭令綢送首逆該匪

竟敢憑堡放鎗楊和貴分隊上山抄擊匪勢不支潛開石堡後門爭舟急遁官軍追及擊殺斃百餘人回攻石堡匪尙死守又斃十餘人破之生擒七名獲鎗械甚夥毀其堡勇丁受傷者十餘名其龍溪縣長北社匪徒上年經羅大春捕治各匪後匪首方烏參畏威遠避嗣經楊和貴訪聞該匪復歸行劫帶隊往捕匪黨抗拒當經格殺數人擒方游方燕方王添方來方助方熾等六犯訊明斬之方烏參負傷竄逸旋即捕獲伏誅其永定伏誅巨匪陳天庇之子陳成其卽陳三王爺逃匿南靖洪

頭坡經楊和貴夏獻綸派遊擊曹仁順等督團獲解舟  
次夜遁曹仁順縛之被砍數傷縛解漳州伏法其詔安  
科下村土匪現飭道員朱明亮帶隊勘辦此漳州治匪  
情形也他如福州府屬調署連江縣知縣孫壽銘督同  
巡檢劉燕擊獲盜劫著匪鄭啓漢滕登珠二犯延平府  
屬署知府趙均督飭勇團擊辦糾黨焚搶殺斃團董章  
鎮松之茶坪游匪當場格殺一名捕獲郭明朱阿發二  
名順昌縣知縣陳星聚督團緝獲九龍山著匪辜留潘  
巧劉勅等三名龍巖州屬署知州陳源豫擊獲從逆要



匪鄧秋二鄧新富二名臣等於各文武獲犯錄供稟報  
時期其罪狀兇橫險毒不禁眦裂髮指當卽欽遵咸豐  
三年

諭旨批飭就地正法或加以梟示以伸

國法而快人心其情罪稍輕者飭府縣刑責鎖碣以示  
儆戒期於寬猛協中仰副我

皇上辟以止辟之意合計已獲治罪之匪首要十得七  
八稍遲卽可歲事察看民風漸已更變前此畏懼兇威  
不敢控訴者今則告官捕捉泣求伸理矣前此庇匪求

免隨同附和者今則指引躡緝不復諱匿矣前此商旅畏出其塗陸必結伴水必聯艘今則一夫可以夜行單艘可以孤泊市廛漸增貨價漸減矣前此結黨械鬪掘塚創墳擄人勒贖拒捕抗糧恬若無事今則稍知

國法之不可倖逃巨案稀少矣一俟各處著名兇惡匪徒悉數就擒當卽立限概准投首減等科罪斷不敢忿疾於頑淫刑以逞至水陸營汛有應改移歸併庶資控制者現與水陸提臣籌酌或修復舊汛或改駐分防容再片摺會陳所有辦理興泉汀漳等處土匪情形謹合

詞恭摺彙案具

奏伏乞

皇太后

皇上聖鑒訓示施行謹

奏

同治五年八月十七日

按治土匪出力人員陳請可否保獎片

再治匪之道與剿賊異剿賊以多殺爲功治匪則必以  
妄戮一人爲誠物賊則賊物不禁取攜治匪則絲毫不  
容妄取苟非苦心分明加意約束則除暴或以爲暴必

隨事端此次官軍分途接治土匪臣等尤切兢兢幸諸將領尙能仰體

朝廷仁育義正之懷恪恭將事故勞師數月之久兵民什處尙能相安其悍戾頑悖之鄉固已無所藉口若其素稱良善者則更欣欣然有重覩天日之樂矣諸將士勞烈雖不足言紀律尙有可取可否仰懇

恩准俟全省治匪事竣將在事出力各員弁擇尤彙案保獎之處出自

遜格鴻慈謹附片具

奏伏乞

聖鑒訓示謹

奏 同治五年八月十七日

懇免現商帶輸俾顧課釐摺

奏爲懇免現商帶輸以紓商力而顧課釐恭摺具

奏仰祈

聖鑒事竊照閩省鹽商歷年積欠按限帶輸一欸內除  
應歸補司道庫墊欸銀二十六萬八千八百六十五兩  
剔出照案依限帶完外其餘銀兩曾經臣等

奏請減免奉

旨飭部議覆嗣准部咨飭將此項請免銀八十七萬一  
千二百六十六兩認真釐剔自定案後實在倒革無著

應於現商代完若干月造清冊懇

恩豁免統以報部有案爲憑方准列入冊內其或新商  
認完舊商欠項舊商以館埠器具鹽包作抵此卽與現  
商應完無異不得朦混列入其現商應完銀若干兩應  
仍照案依限帶完不准再行請免以示限制等因臣等  
細經部議重在分別造冊准免退商仍追現商自係核  
實辦理慎重款項之意然臣等前請減免帶輸原欲翻  
全現商非以庇脫倒商何也商既倒革必已產破家傾  
雖使追比頻仍亦於

國課無補歷

奏帶輸積之既久而爲數過鉅者姑弗具論卽此八十  
七萬餘兩之中退商約欠四十九萬有零現商約欠三  
十八萬有零自是現商欠少退商欠多以應歸司道庫  
墊款銀二十六萬餘兩其中退商無著均責現商勾完  
反足現商欠多退商欠少如應部指仍追現商則退商  
得選

填與而現商轉抱向隅徒有豁免之名仍無豁免之實  
況今行票運之商多則昔時行引之商如此時易於追



三則從前不至積欠從前既至積欠此時何能追完縱  
令勒比監追間有完納亦無非挪新賦以完舊欠帶輸  
一分舊欠卽逗徵一分新賦是新賦無全繳之年舊欠  
卽無清完之日也上在甫議改票之時首先請免帶輸  
蓋以輕舊逋卽所以重新賦紓商困卽所以保利源留  
商改票俾得專顧蠶繭庶幾年清年款可爲一勞永逸  
之計耳幸改票以來甫及期年成效大著使從此經理  
得人將來遞年盈溢之數積微成鉅卽以後日之盈餘  
抵從前之積欠亦尙綽然有餘是各商既落

逾格之恩

國家亦收無窮之利一時觀之雖若見絀通盤計之實可取盈也若必謂新商帶輸不可盡豁則商力既未能紓恐累通制多窒礙臣等督同司道再四熟籌若不一律請豁殊與全綱大局攸關合再懇情奏懇

天恩俯鑒愚忱

由賜允准即將前項帶輸銀兩除應歸補司道庫墊欸銀二十六萬二千八百六十五兩照案依限帶完外其餘銀八十七萬一千二百六十六兩無分退商現商一

律豁免俾紓商力而顧課釐據福建鹽法道吳大廷會  
同署布政使周開錫具詳請  
奏前來臣等謹合詞恭摺具  
奏伏乞

皇太后

皇上聖鑒訓示謹

奏  
同治五年八月初七日

閩商力顧票運課釐懇免兼徵帑息摺

奏爲閩商力顧票運課釐懇

恩減免兼徵帑息以紓商力而重新賦恭摺奏祈

聖鑒事竊照閩省鹽幫疲敝已近百年司鹺務者設法  
挽救不出緩徵借帑兩策究之緩徵徒顧考成而帶輸  
每多拖欠借帑不無折扣而逢額仍屬虛懸名爲設法  
挽救實則暗肆侵欺如此而欲裕賦便商督猶倒行以  
求前也夫閩商資本雖微但使完課辦運亦何嘗不收  
微利無如終歲經營半耗於陋規之需索半迫於帑息

之虛馱商力幾何其堪此層層賸削而不倒罷相踵乎  
上年試行票運臣等卽督同該鹽道吳大廷悉心稽察  
裁革陋規歲約八萬餘金故改票以來課釐並抽徵額  
較前加重而數十年疲敝商販尙能拮据趨公踴躍輸  
納茲屆試辦一年期滿將欲

奏行票運著爲定章而於虛馱之帑息仍事追求非惟  
不便於商抑實無益於事溯查各款帑息始於雍正年  
間迄今有數十載當領本之初雖或不無折扣而尙有  
現領之銀可資周轉且完息僅止一分不覺其爲累也

迫原商倒罷轉流交現辦之商未必皆領本之商而  
積欠帑息無不盈于累萬商既倒罷豈尙有盈于累萬  
現銀交完欠息之事其所存抵者無非倉館器具及未  
運之陳引且有並倉館器具陳引而亦無之者新商接  
辦不能不隱忍認賠卽司鹺務者亦明知虛賦之帑息  
斷難如數催徵惟旣無從取償於倒歇之舊商不得不  
移累於接辦之新商新商旣不能不爲認完卽不得不  
挪動正課故帑息未見取盈而正課轉因以大絀也頻  
年短徵數至四百萬兩之多受敝之由此居其一然未

改票以前尙可執運陳引希冀夾帶偷漏且可停引不  
領將二三年所得之錢繳元二年應完之欸而

奏銷仍展之又展責以繳完帑息彼尙無可藉詞泊乎  
改票以後立將陳引截清不准執運積年影射夾帶之  
弊一掃而空而按額科票課釐並抽計自上年五月廿  
二日設局辦起截至一年期滿已收正雜各欸六十萬  
餘兩較之歷屆

奏銷征完正溢課帶輸帑息等欸現銀十餘萬兩已增  
三部之多今日行票之商豈非卽昔日行引之商乎何

以昔絀今盈懸殊若此蓋以改票之時首先剔除上下  
陋規繼有請免帶輸並又將帑息項下應撥之款設法  
籌墊不爲無益之追呼紛其心志故各商始得專力於  
課釐舊累輕而新賦自裕耳於鹽釐見正課之有餘但  
使能裕庫儲卽帑息暫不取盈可爲以贏補絀之計於  
試運見票章之已效然非稍輕積累則商情難於持久  
仍多顧此失彼之虞臣等再四籌商若不將帑息銀兩  
分別緩免實未足以紓商力而顧課釐合無仰懇

天恩俯念商困未蘇力難兼顧准將軍標馬價盤費欽



工省育鰲峯等六款帑息歷年官商欠完銀一十二萬六千二百餘兩概予豁免並請將年額息銀一萬四千八十九兩零遇閏加增銀一千一百七十四兩零概予停止惟軍馬盤三息若累雖較他款爲鉅且有關旗庫支款難容全廢應請量減三分之一此外欽工爲支造戰船之需籌育則孤貧賴以養贍鰲峯則人才藉以作育準理度情均難偏廢擬請按照每年支解實銀數目在於鹽釐項下提解支給於奏銷時造冊咨送查核至於各項帑本未便置之不論請俟商力稍紓察看情形

援照風災養贖之案責令各商完息作本陸續歸還原  
款其風災養贖二款經前督臣慶端於咸豐九年十二  
月間

奏明停息五年之後完息作本扣至同治一年底止五  
年限滿三年即應啓徵迄今屢加催迫並無完繳皆因  
商力未紓難以兼顧請再展限五年照案飭令完息作  
本似此量爲變通可以恤商艱可以顧票運而年額帑  
息較有著落以視頻年追繳徒爲商累而於庫款仍無  
絲毫之益者此固於分別減免之中轉得實際矣據福

建鹽法道吳大廷會同署布政使周開錫具詳請  
奏前來除咨戶部外臣等謹合詞恭摺具

奏並將各商應完帑息年額欸數開列清單恭呈  
御覽伏乞

皇太后

皇上聖鑒勅部議覆施行謹

奏  
同治五年八月初七日